

## 2 TESALONICENSES

### IKA OME ITLAJKUILOL SAN PABLO PARA ON TESALONICENSES

---

**Pablo niman icompañeros kintlajkuiluiyaj  
on tlaneltokakej de Tesalónica**

**1** <sup>1</sup>Nejua, Pablo, iuan Silvano niman Timoteo, temechtlajpalaouaj nemejuamej toknluan ne ipan on tiopan yejuan onkaj ipan on ueyikalpan Tesalónica, yejuan nennemij itech Dios toTajtsin niman toTEKO JesuCristo. <sup>2</sup>Ma Dios toTajtsin niman toTEKO JesuCristo mechmakakan inueyitetlajsojtlalis niman iyolseuilis.

**Dios kinyolkuitis on tlajtlakolejkej ijkuak Cristo uajlas**

<sup>3</sup>Noknluan, noneki nochipa tikmakaskej tlaxtlauijli Dios nemo-pampa. Yejua in kuajli para tikchiuaskej, pampa nemotlaneltok más noskaltijtiu, niman on tetlajsojtlalistli\* yejuan cada se nenki-piyaj inuan oksekimej más ueyixtiu. <sup>4</sup>Yejua ika, sano tejuamej titenojnotsaj de nemejuamej ikan pakilistli nochuiuyan ipan on itiopanuan Dios. Tikteijliaj on ijyouilistli niman tlaneltoktli yejuan nenkiteititij maski mechtlaueleitaj niman mechtlajyouilitij. <sup>5</sup>In teititia ika Dios nochipa kichiu tlen kuajli, pampa itechkopa on tlajyouilistli nemochipauaj para uelis nenkalakiskej kampa Dios tlamandaroua. <sup>6</sup>Dios yolmelajki niman kimati kenijki kintlajyouilitis on yejuan mechtlajyouilitij. <sup>7</sup>Niman Dios no kimati kenijki kuajli para mechmakas neseuijli nemejuamej yejuan nentlajyouiyaj ijkon ken tejuamej techmakas. Niman in nochiuas ijkuak ajsis on tonajli ika toTEKO Jesús uajnonextis ne iluikak iuan iuejueyixtokej ángeles. <sup>8</sup>Uajlas ikan tlitl para kinuajcastigaros on yejuan xkiselij Dios niman on yejuan xkitlakamatij on kuajli

tlajtojli itech ika toTEKO JesuCristo. <sup>9</sup>Yejuamej kincastigaroskej ikan mikilistli para nochipa, niman uejka kominxiniskej de itech toTEKO, niman de iueyilis niman ipoder. <sup>10</sup>Ijkon nochiuas ijkuak toTEKO uajlas ipan on tonajli para kiselis ueyilistli de nochimej yejuan yolchipajkej itech Dios. Nemejuamej no nennemiskej inuan pampa onenkineltokakej on tlen otemechmachtijkej.

<sup>11</sup>Yejua ika in, nochipa tikchiuaj oración nemopampa. Tiktlaj-tlaniliaj toDios ma mechchipaua ijkon ken omechnots, niman ikan ipoder ma kichiuwa nochi tlen kuajli ijkon ken nemejuamej nenkinekij niman on tlen nenkichiuaj pampa nentlaneltokaj. <sup>12</sup>Ijkin tej, itokatsin toTEKO JesuCristo kiselis ueyilistli nemo-pampa, niman yejua no mechueyilis ikan iueyitetlajsojtlalis toDios niman toTEKO JesuCristo.

### Yejkos on xompayejyeuatlakatl

**2** <sup>1</sup>Aman nokniuán, temechijliskej de on ijkuak uajlas JesuCristo niman techsentlalis itech. Sanoyej\* temechtlaj-tlaniliaj <sup>2</sup>maka nimantsin nenometlamatiskej. Maka xkauilikan yakaj mechtlamachilispalos nion maka nemomojtiskej tla yakaj kijtos ika okiselij sen tiotlajtojli, noso kijtos okiselij sen tlajkui-lolamatl yejuan otikmakakej kampa kijtos ika toTEKO yopanok ika uajlas. <sup>3</sup>Maka yakaj xmokauilikan itlaj ika mechkajkayauas, pampa antes yejkos on tonajli, achtopa miyekej kikauaskej Dios, niman nonextis on xompayejyeuatlakatl yejuan kitlajtlakolma-kaskej niman kontlajkaliskej miktlan. <sup>4</sup>Yejua kixnamikis nochi yejuan kipiya itokatsin Dios noso on tlen on tlakamej kimausitiliaj. Niman ijki onotlalis ipan itiopan Dios ken melauak yejua yeskia Dios, niman sano yejua noteneuas Dios.

<sup>5</sup>¿Xnenkelnamikij ika ijkuak sanken\* ninemiya nemouan nemechijliaya nochi in? <sup>6</sup>Niman aman nenkimatstokey tlinon kiteltia on xompayejyeuatlakatl para maka uajlas ijkuak xe ajsi on tiempo para yejua. <sup>7</sup>Amantsin ipoder on xompayejyeuatlakatl ye tekititikaj san ichtaka\*. Pero on yejuan aman kiteltijtikaj ipoder, san poliui kejkuaniskej. <sup>8</sup>Kemaj uajnonextis on xompayejyeuatlakatl, pero toTEKO Jesús kimiktis ikan ijyo yejuan kisa ipan ikamak, niman kixoxotonis ikan ipetlalanis ijkuak uajlas. <sup>9</sup>Yejkos on xompayejyeuatlakatl iuan ipoder Satanás niman kichiuas tlamausoltin, niman milagros\* yejuan teixkajkayauaskej. <sup>10</sup>Kite-ititis miyek tlajtlamach\* yejuan xkuajli para ika kinkajkayauas

on yejuan yauij ipan popolouilistli. Yejuamej popoliuiskej pampa xokiselijkej nion xokitlajsojtlakej on tlen melauak para noma-kixtiskej. <sup>11</sup>Yejua ika, Dios kinkauilia ma nokajkayauakan ika on tlakajkayaualistli para ma kineltokakan on tlen xmelaauak, <sup>12</sup>niman para ijki kintlajtlakolmakaskej nochimej on yejuan xokineltokakej on tlen melauak, yej okuelitakej más on tlen xkuajli.

### Nemij tlatlapejpeniltin yejuan makisaskej

<sup>13</sup>Pero noneki nochipa tikmakaskej tlaxtlauijli Dios nemo-pampa, tokniuan yejuan toTEKO mechtlajsojtla\*, pampa Dios omechtlapejpenij para achtoj onentlaneltokakej de on oksekimej. Onemomakixtijkej itechkopa ipoder on Espíritu Santo para onemochijkej iyekkoneuan ijkuak onenkineltokakej on tlen melauak. <sup>14</sup>Yejua ika in, Dios omechnots itechkopa on kuajli tlajtojli yejuan kiteijlia ken Dios temakixtia, yejuan tejuamej temechnachtiaj, para no touan nenkiseliskej on iueyilis toTEKO JesuCristo.

<sup>15</sup>Yejua ika nokniuan, xmoyolchikauakan ipan nemotlaneltok, niman xkejeuakan on temachtijli yejuan otemechijlijkej ijkuak tinemiyaj nemouan niman yejuan otemechtlajkuilolmakakej. <sup>16</sup>Ma toTEKO JesuCristo, niman Dios toTajtsin, yejuan techtlajsojtla\* niman ikan iteiknelilis\* otechmakak yolseuilistli para nochipa niman sen kuajli tlamachalistli\*, <sup>17</sup>ma mechyoleua niman ma mechmelajkatlali para nenkijtoskej niman nenkichiuaskej nochi tlen kuajli.

### Pablo kitlajtlani oración

**3** <sup>1</sup>Sa ika nochi nokniuan, xchiuakan oración topampa para on itemachtli toTEKO nimantsin ma nochayaua, niman ma kiselikan ikan tetlakaitalistli, ijkon ken onochiu nemouan. <sup>2</sup>No xchiuakan oración para Dios ma techmanauí itech on xkuaj-kualtin tlakamej niman xompayejeuamej, pampa xnochimej tlaneltokaj.

<sup>3</sup>Pero toTEKO nochipa kichiuá tlen kijtóa. Niman yejua mechylchikauas niman mechmanauis itech on diablo\*. <sup>4</sup>Niman tiktlaliaj toyojlo itech toTEKO ika nemejuamej nenkichiuaj niman nenkichijtiáskej on tlen temechnauatiaj. <sup>5</sup>Ma toTEKO mechpaleui para más xtetlajsojtlakan ken Dios tetlajsojtla, niman JesuCristo ma mechkojtli ipan nemotlajyouilis.

### Noneki tekitiskej

<sup>6</sup>Nokniuan, temech nauatiaj ikan itokatsin toTEKO Jesu Cristo, para xtlalkauikan san akinon tokniu yejuan xkineki tekitis niman yejuan xkuajli nouika ijkon ken otemechmachtijkej. <sup>7</sup>Nemejuamej nenkimatstokej kenijki noneki nennemiskej para nenkitokaskej toejemplo. Ijkuak tejuamej otinenkej nemouan, otitekitkej. <sup>8</sup>Niman xakaj otikualijkej tlaxkajli yejuan xotikt lax-tlauilijkej. Jej otitekitkej ikan tonajli niman yeuajli para nion akin de nemejuamej otiktekimakakej. <sup>9</sup>Maski tejuamej techto-carouaya para temech tla jtlaniliskej xtechpaleuikan, otitekitkej para otemechmakakej on ejemplo ken nenkitokaskej. <sup>10</sup>Pampa ijkuak nemouan tinemiyaj, otemechmakakej in tlanauatijli: “Yejuan xkineki tekitis, maka ma tlakua.” <sup>11</sup>Aman techijliaj ika nemij sekimej nemotsajlan yejuan xtekitij ipan on tekittl yejuan para notekipanoskej, jej nokalaktijtinemij kampa xkinnotsaj. <sup>12</sup>Kenin tlakamej tikinnauatiaj niman tikinchikajkaijliaj ikan itlanauatil toTEKO Jesu Cristo, ma tekittikan ika kuajlotika para uelis kipiwaskej on tlen ika notekipanoskej.

<sup>13</sup>Nokniuan, maka xsiaukan para nenkichiuaskej on tlen kuajli. <sup>14</sup>Tla yakaj xkineki kakis in tlinon tikijtouaj ipan in tlajkuilolamatl, xpiyakan cuidado akinon, niman maka sa xchiuilikan cuenta para ijki ma pinaua. <sup>15</sup>Pero maka xpiyakan ken nemotlaelikniu, jej xtlakanonotsakan ken yakaj nemokniu.

### Sa ika nochi tlatiochiualistli

<sup>16</sup>Niman toTEKO, yejuan itech peua on yolseuilistli, ma mechmaka yolseuilistli nochipa niman nochi ipan on sesekneka tlen nenkichiuaskej. Ma toTEKO nochimej nemouan ma nemi.

<sup>17</sup>In tlajpalouilistli, nejua Pablo nemechtla jkuiluiya ikan noma. Ijkin nemechititia ika in melauak nejua notlajkuilolamauan. Niman ijkin nikijkuiloua.

<sup>18</sup>Ma toTEKO Jesu Cristo mechtiochiua nemochimej\* nemejuamej. Ma ijki nochia.